

西

魏

書

昔元魏之季孝武不忍賀六渾之偪播遷關西終不免黑獺之弑自是東西對峙各爲強臣所制地醜德齊無以相尚然天平改元之始孝武固無恙也則東魏不如西之正天保受禪而後關西猶擁虛號者七八年則西魏較愈於東之促此溫文正公微文公之書法所以抑東而揚西也乃魏彥深之史無傳而伯起書獨行遂加孝武以出帝之稱而直斥西主之名偏陂不公莫此爲甚李延壽本紀頗采彥深先西後東差強人意而列傳猶承周史舊文讀史者不無遺憾焉且志地形者宜據太和全盛之規而伯起轉取武平偏安之局於秦雍諸州雖云據永熙綰籍而漏落良多至西遷廿餘年間州郡增置紛緜名目屢易尤不可以無專書也觀察謝蘊山

先生曩在史局編纂之暇與閣學翁公議補是書洎宛陵奉
諱家居乃斟酌義例排次成編爲本紀一表三攷四列傳十
二載記一旣葢事介翁公屬序於予讀其凡例謹嚴有法洵
足奪伯起之席而張涑水考亭之幟矣昔平繪撰中興書其
體例當類此而隋志不著於錄則唐初已無傳觀察之書不
獨爲前哲補亡而封爵大事諸表精覈貫串又補前史所未
備傳諸異日視蕭常郝經之續後漢書殆有過之無不及也
乾隆壬子十一月嘉定錢大昕序

當拓跋氏之衰朝廷失政而邊鎮橫武夫暴興而國柄移天
子寄居亟立亟廢蓋高歡一人而援立之帝三焉安定廢而
孝武興孝武奔而孝靜立計其得失之故雖不甚相遠而以

時論之則孝靜固始爲孝武臣也魏收書外孝武而以天平爲正豈理也哉南康謝蘊山觀察舊居史職出剖郡符間以退處數年之暇慨魏收之失當撰西魏書二十四卷以正其失可謂勤學稽古雅懷論世者矣吾觀李延壽北史本紀錄孝武於東魏孝靜之前而不曰西魏意蓋以收爲非者然拓跋自崔浩被誅史筆回罔故紀道武以往事多侈辭又自道武以前二十餘世率加以皇帝之號延壽因之不能正也今觀察所紀僅在其末二十五年事固有延壽之得而無其失者然延壽自序言見別史千餘卷今時代遠隔泯亡無一存不獲使觀察據之以考稽同異而裁定焉惜哉惜哉讀者知其網羅放失述作之志存焉可也乾隆五十六年七月桐城

姚鼐序

書二通

西魏書得錢詹事姚郎中二序足矣今既刻敘錄惟全書未出者蓋中間尚有待於取材精覈耳或就其實可傳信者先刻數卷徐徐藏工可也愚意永熙大統以後直至唐初七八十年之間梁陳碑禁未弛而北朝石刻最夥卽如常醜奴志愚嘗見石本其孝明之稱究未能以遽斷也至若一碑中因其子孫溯其祖父官閥時地頗有足資考據者若得二三楷書手且就王侍郎昶錢詹事二家及愚齋中蓄拓本殘字一一錄出以供訂證豈直如裴松之注三國吳任臣注十國之附採而已心力稍暇再致書來商之餘不悉翁方綱頓首

承示西魏書敘錄雖未讀全史之文而思議名通體裁精密已畧見其凡伯起穢史當時已未愜衆心其抑西揚東祇以身仕高齊不尊天平則本朝之得統不正此與承祚帝魏同一曲筆史家藉以避禍耳非百世下之公論也大著首傳宇文劾記清河蕭督暨斛斯椿以下諸人悉列魏臣洵足正前賢之譌舛弭尚論之牴牾而入關後事蹟久湮復於一千三百年餘網羅蒐討勒爲一家非載籍博而用力深者曷克至此幸卽付剞劂早得快讀是所切跂畢沅頓首

西魏書敘錄

通議大夫浙江按察使司按察使加二級南

魏孝武帝爲其臣高歡逼幸關西歡猶不敢遽卽尊位故立
清河王世子善見爲抗制關中之具陰遂其篡弑之謀耳魏
收黨齊毀魏削孝武諡名西魏帝尊卑序失過莫甚焉魏澹
後魏書崇文總目稱其正魏收魏書平繪中興書之失隋經
籍志作一百卷新舊唐書志俱作一百七卷北史本
傳作九十二卷蓋合十二帝紀七十八列傳史以西魏爲正
論及例目錄一篇爲九十二篇一篇爲一卷也
東魏爲僞名始正焉惜其書亡佚收書太宗紀闕陳振孫謂
補以澹書崇文總目稱澹
書亡闕今纔紀一卷存按澹
書本紀太平御覽中引之而收之穢史獨存是以西魏之
典故人物闕焉無徵用是慨然搜集舊聞述西魏書竊附彥
深之志

元魏稱後魏對曹魏言也永熙三年善見僭大號於鄴魏於

是有東西之分溫公通鑑稱善見爲東魏紀西魏則曰魏朱文

公綱目蓋以正統予之不使與東魏對稱也第魏澹張大素

裴安時盧彥卿及邱悅元行沖諸書皆佚收書天象志闕陳振孫謂以張大素

天文志補之崇文總目云太素魏書凡百篇惟天文志二卷存魏之全史旣無從補正今所

紀只四帝二十餘年之事稱後魏書則慮與全史混故題曰

西魏書以著其實

孝武遷關中卽崩然爲西魏始遷之君故本紀始孝武收書

本紀書曰出帝不著孝武之號乖謬特甚隋常醜奴墓志又

稱明帝考魏諡明者惟明元孝明二帝孝武無明諡疑書志

者誤也

紀爲志傳綱領義貴謹嚴然大事必書者如永熙時大成樂成大統間頒中興永式廢帝末作九命之典恭帝初立蕭督爲附庸復三十六國九十九姓等事北史皆失載殊失重輕今竝補入至廢帝時改天下州郡名載地域考紀則不書猶唐改郡爲州及分天下爲十道見地理志而不書於紀也

周文承制封拜進退百官悉由周室矣今將相大臣之除罷詳書於紀者所以紬僭踰之權而明威福自天子出也

西魏二十餘年日尋干戈其勝負無關興喪者紀不書以其事見於大事表北史文帝紀書沙苑之捷而不書邛山之敗義無可諱今補錄之又西魏臣叛降梁與東魏及梁與東魏臣來降者皆州郡得失所繫竝特書於紀

日食星變等異具見於紀象考者紀則不書孝武紀書熒惑入斗衆星北流者此天變之大西魏之所由始也前史紀志竝書雖一載其事一載事應義微有別然其事應率多悠繆附會之說實爲無取宋史不書事應例甚可法惜其紀志雷同尤爲無謂矣

四夷朝貢前史書之本紀編年之末其有不廷之討者載之列傳今竝詳異域表以西魏時事迹甚少不足立傳紀亦不書者省複文也

萬氏史表中西魏將相大臣年表鉤稽史傳最爲有功第以周書北史中列傳核之不免尚有闕漏且表至侍中領軍將軍止體固應爾其於效節關中諸臣自未能一一畢載故今

仿史記功臣侯表爲封爵表差爲賅備其不爲世表而爲年表者以始封之人卽多身仕異朝固不能下合周隋而譜其承襲者矣

西魏歷年未久而典制頗爲明備今參稽往籍循流討原字之制悉本西魏如六官創自大統成文於恭帝通典乃以六官爲周制之類勒成四考一朝制作雖不得其全文而鉅目宏綱略可觀覽

魏武晉宣景文周文齊神武雖歿膺帝號而生則人臣求之史義魏武應入漢傳晉宣景文應入魏傳周文齊神武應入後魏傳然魏志不載司馬北魏書不載高歡及周隋書不載李虎李昫皆爲本朝諱耳若范蔚宗作後漢書知收魏志之荀彧諸人而不立曹操傳李延壽作北史尊周文齊神武爲

本紀而魏史不立宇文泰高歡二傳斯爲無識矣獨周書列傳載隋武元深得史法故今傳西魏諸臣以宇文泰爲首也至清河王世子善見孝武臣也梁王蕭詧魏附庸也故竝立傳魏收則加晉宋齊梁以僭僞島夷之目此與小兒之怒罵無異亦何取乎

兩朝興喪之交編纂列傳貴有限斷如陳之袁憲江總姚察之屬俱已仕隋姚思廉載入陳書漢之董卓陶謙二袁劉表呂布臧洪公孫瓚豈曾臣魏卽荀彧事曹而終非曹臣陳壽載入魏志此皆違戾史裁者也考周書所載斛斯椿王盟賀拔勝等乃卒於周孝閔受禪之先者其爲魏臣明矣雖蘇綽輩效節周文然周文身以魏臣終事周文者反非魏臣乎北

史取周書之賀拔勝念賢入之魏傳義誠允矣餘則因周書之誤而不改是其失均也故今作列傳以孝武入關爲始而以宇文受禪爲斷

西魏臣仕周隋者若于謹尉遲迴諸人雖功名顯於魏義不得立傳然封爵大事異域三表載其爵秩勳紀是亦可以互見不嫌闕略矣若夫名位淺薄至周隋而始著者自與西魏無與焉可欲豐其部帙而濫入表傳邪

史記立循吏儒林等傳後之爲史者名益滋多今仿三國志例人以類從而已賢否自見

紀傳有論贊必如劉知幾所謂事無重出省文可知者方合左氏君子曰之旨若依附本篇漫爲論贊再述乍同銘頌重

敘唯覺繁文誠不免爲魏澹所譏矣是書一以澹書爲法

澹書

義例見本傳

凡列傳必有他事足補正書之闕及有足法戒者始

爲論以著之餘則否

史家摭採羣書若司馬之取裁於世本國語戰國策楚漢春秋班氏之本史記及新序說苑七略之類皆馴雅而可徵信魏晉以降國史多諱穉乘多誣取之不愼蕪穢貽譏故嘗謂後世作史者必義例尤嚴於古苟人與事無關勸懲者削之可也今作是書於一人之微一事之細亦所珍惜採錄而不忍遺者以千餘年文獻放失之後考古爲難義各有取非必以果核藥滓爲貴也

李延壽作南北史編次八代之書竝雜史千餘卷其於舊文

所安因而不改不敢苟以下愚自申管見誠通人之論蓋史家之體不以沿襲爲嫌子長孟堅具有往例第南北各自爲書岐異牴牾處自多延壽一手連綴頗乏折衷僅事鈔錄是所短耳今參校史文苟事無可增義無可正者卽無所改易亦李氏之義也

第一卷

帝紀

孝武帝

文帝

廢帝

恭帝

第二卷

表一

封爵

第三卷

表二

大事

第四卷

表三

異域

第五卷

考一

紀象

第六卷

考二

儀制

第七卷

考三上

地域

第八卷

考三下

地域

第九卷

考四上

百官

第十卷

考四下

百官

第十一卷

列傳一

孝武帝皇后高氏

文帝文皇后乙弗氏

文帝悼皇后郁久閭氏

廢帝皇后宇文氏

恭帝皇后若干氏

第十二卷

列傳二

扶風王孚

子端

陳郡王元

北平王懋

濮陽王順

子偉

洛平王最

魏郡王毗

馮翊王季海

子亨

固道公羅

安昌王均子則矩

順陽王仲景

博陵王暢子敏

魏興王融

儀陽王子孝

華山王紀

宋安王琰

廣陵王欣

潁川王斌之

東陽王榮

長湖公定淮安王育等

文七王

公主

第十三卷

列傳三上

宇文泰

第十四卷

列傳三下

宇文泰

第十五卷

列傳四

斛斯椿

長孫冀歸

子子彥紹遠澄

賈顯度

樊子鵠

賀拔勝

念賢

第十六卷

列傳五

王羆

宇文顯和

宇文測

婁寶

毛遐

楊儉

第十七卷

列傳六

董紹

乙弗朗

寇洛

梁禦

若干惠

怡峰

劉亮

雷紹

耿豪

陸政

唐永

第十八卷

列傳七

王德

王盟

子勸

王子直

李虎

宇文導

張軌

令狐蚪

趙肅

蔡襲

徐招

裴邃

叱列伏龜

檀翥

第十九卷

列傳八

李長壽

子延孫

韋昞

郭琰

脊龍起

乙速孤佛保

李棠

柳檜

宋球

第二十卷

列傳九

蘇綽

第二十一卷

列傳十

周惠達

辛慶之

蘇亮

弟湛讓

柳蚪

呂思禮

崔騰

第二十二卷

列傳十一

毛鴻賓

弟鴻顯

泉企

子元禮仲遵

趙善

王思政

第二十三卷

列傳十二

揚騰

乙弗繪

李順興

蔣昇

檀特師

孫道溫妻趙氏

孫神妻陳氏

高慎

鄭敬道等

第二十四卷

載記

善見

蕭簪

右帝紀一表三考四列傳十二載記一凡廿一篇廿四卷
乾隆六十年太歲乙卯三月開雕

帝紀一

通議大夫浙江按察使司按察使加二級

孝武皇帝諱脩字孝則廣平武穆王懷之第三子也母李氏性沈厚少言學涉好武事徧體有鱗文年十八封汝陽縣公拜通直散騎侍郎轉中書侍郎建義初除散騎常侍尋遷平東將軍兼太常卿又爲鎮東將軍宗正卿永安三年封平陽王普泰初轉侍中鎮東將軍儀同三司兼尚書右僕射又加侍中尚書左僕射中興二年高歡旣敗尒朱氏廢帝自以疎遠未允四海之心請遜大位歡乃與百寮議以孝文不可無後特召汝南王悅于梁至將立之宿昔而止又諸王皆逃匿帝在田舍先是嵩山道士潘彌望見洛陽城西有天子氣候

之乃帝也于是造第密言之居五旬而高歡使斛斯椿求帝椿從帝所親王思政見帝帝變色曰得無賣我邪曰不也曰敢保之乎曰變態百端何可保也椿馳白歡歡遣四百騎奉迎帝入氈帳陳誠泣下霑襟讓以寡德歡再拜帝亦拜歡出備服御進湯沐達夜嚴警昧爽文武執鞭以朝使斛斯椿奉勸進表椿入帷門罄折延首而不敢前帝令思政取表曰視此便不得不稱朕矣于是假廢帝安定王詔策禪位焉卽位于東郭之外用代都舊制以黑氈蒙七人歡居其一帝于氈上拜天訖自東陽雲龍門入

永熙元年夏四月戊子皇帝御太極前殿羣臣朝賀禮畢昇閭闔門詔曰否泰相沿廢興代有元天無所隱精靈弗能諭

大魏統乾德漸區寓牢籠九服旁礪三光而上天降禍運踵
多難禮樂崩淪憲章漂沒赫赫宗周翦爲戎寇肅肅清廟將
成茂草胡羯乘機肆其昏虐殺君害王剗剔海內競其吞噬
之意不識醉飽之心自書契以來未有若斯者已大丞相渤海王忠存本朝精貫白日爰舉義旗志雪國恥故廣阿之軍
貔虎奪氣鄴下之師金湯失險近者四胡相率實繁有徒驅
天下之兵盡華戎之銳桴鼓暫交一朝盪滅元兇授首大憝
斯擒揚旆濟河掃清伊洛士民安堵不失舊章社稷危而復
安洪基毀而還構朕以託體宸極猥當樂推祗握寶圖承茲
大業得以眇身託於王公之上若涉淵水罔識攸津思與兆
民同茲嘉慶可大赦天下改中興二年爲太昌元年詔前御

史中尉樊子鵠起復本官兼尚書左僕射東南道大行臺都督儀同三司徐州刺史杜德討元樹高歡上言建義之家枉爲尔朱氏籍歿者悉皆蠲免帝以世易復除歡爲大丞相天柱大將軍太師世襲定州刺史增封九萬并前十五萬戶庚寅加歡子澄侍中開府儀同餘如故壬辰歡還鄴車駕餞別於乾脯山五月丙申節閔帝殂以太傅淮陽王欣爲太師改封沛郡王司徒公趙郡王諶爲太保侍中驃騎大將軍開府儀同三司清河王亶儀同三司使持節侍中驃騎大將軍開府儀同三司司州牧南陽王寶炬爲太尉公侍中太保錄尚書事長孫稚爲太傅侍中驃騎大將軍尚書左僕射元羅儀同三司尚書令驃騎大將軍吏部尚書元世儁儀同三司戊

成以高歡固讓聽解天柱大將軍減封五萬戶餘悉如故辛丑復前司空高乾邕位乙巳帝幸華林都亭宴羣臣班賚有差羽林隊主唐猛突入稱慶帝以猛犯禁衛杖之猛辭色有忤斬之階下丁未詔曰無悔惇獨事炳前經惠此鰥寡聲畱往冊朕以薄德作民父母乃眷元元寤言增歎今理運惟新哀矜伊始如有孤老疾病無所依歸者有司明加隱括依格賑贍又詔曰理有一準則民無覬覦法啟二門則吏多威福前主爲律後主爲令歷世永久實用滋章非所以準的庶品隄防萬物可令執事之官四品以上集於都省取諸條格議定一途其不可施用者當局停記新定之格勿與舊制相連務在約通無致冗滯己酉以侍中驃騎大將軍儀同三司清

河王亶爲司徒公庚戌詔曰頃西土年饑百姓流徙或身倚溝渠或命懸道路皆見棄草土取厭烏鳶言念於此有警夜寐掩骼之禮誠所庶幾行瑾之義冀亦可勉其諸有露屍令所在埋覆可宣告天下乙卯詔內外解嚴六月癸亥朔帝於華林園納訟丁卯寶炬坐事降爲驃騎大將軍開府王如故歸第令羽林衛守改諡武懷皇帝曰孝莊戊寅詔內外百司普汎六級在京百寮加中興四級義師將士竝加軍汎六級在鄴百官三級河北同義之州兩級河橋建義者加五級關西二級諸受建明普泰封爵汎級優特之階悉追已卯帝臨顯陽殿納訟丙戌以前驃騎大將軍開府儀同三司斛斯椿還爲前官詔曰閒者凶權譎恣法令變常遂立夷貊輕賦冀

收天下之意隨以箕斂之重終納十倍之征掩目捕雀何能
過此朕屬念蒸黎無忘寢食加田桑始事生業未滋若頓依
常格或不周展今歲租調且兩收一丐來年復舊辛卯以使
持節衛大將軍儀同三司尚書左僕射賈顯度爲驃騎大將
軍開府儀同三司秋七月乙未詔曰頃永安馭運載育皇儲
遂錫汎階以申國慶近經普泰便爾中追今罪人旣殄舊章
斯復宜述往旨用卒前恩皇子汎二級悉可還授文穆廟汎
故宜停寢若已受者依例追之庚子復以寶炬爲太尉公王
寅高歡率衆入自湓口大都督庫狄干入自井陘討尔朱兆
乙巳歡以尔朱天光尔朱度律送之京師斬於都市己酉以
兼尚書左僕射東南道大行臺樊子鵠爲儀同三司庚戌詔

侍中驃騎將軍左光祿大夫高隆之爲使持節驃騎大將軍儀同三司兼尚書左僕射北道行臺率步騎十萬趨大行會高歡隆之解行臺仍爲大丞相軍司歡次於武鄉介朱兆大掠晉陽北走秀容并州平乙卯帝臨顯陽殿親理冤獄丙辰以宗師東萊王貴平爲車騎大將軍儀同三司是月夏州徙民郭遷據宥州反刺史元嶷棄城走詔行臺侯景率齊州刺史尉景濟州刺史蔡儁等攻討之城陷遷奔梁東南道大行臺樊子鵠大破梁軍於譙城擒其鄴王元樹及譙州刺史朱文開八月壬戌朔高澄來朝燕射班賚部下各有差丁卯以西中郎將元寧爲高平王甲戌以車騎大將軍左光祿大夫李琰之爲儀同三司庚寅以車騎將軍左光祿大夫崔秉爲

驃騎大將軍儀同三司辛卯以車騎將軍右光祿大夫高岳
爲驃騎大將軍儀同三司九月癸未以侍中驃騎大將軍左
光祿大夫封津爲儀同三司庚子帝幸華林都亭引見元樹
及公卿百寮蕃使督將等宴射班賚各有差癸卯進燕郡開
國公賀拔允爵爲王乙巳帝幸都水南過洛汭遂至瀍澗已
酉復田于北原癸丑改封沛郡王欣爲廣陵王節閔子渤海
王子恕爲沛郡王甲寅以侍中驃騎大將軍封陰之任祥竝
爲儀同三司以車騎大將軍河南尹元仲景爲驃騎大將軍
儀同三司乙卯車駕謁山陵庚申以衛將軍前吏部尚書李
神雋撫軍將軍右衛將軍婁昭竝爲驃騎大將軍儀同三司
冬十月甲子以使持節衛將軍光州刺史高仲密仲一爲車
誤科

騎大將軍儀同三司丁卯以車騎大將軍左光祿大夫潘蠻
爲儀同三司己卯以車騎大將軍左光祿大夫高琛爲特進
驃騎開府儀同三司庚寅以使持節驃騎將軍肆州刺史劉
貴爲驃騎大將軍儀同三司十有一月甲午以車騎將軍揚
州刺史斛斯敦爲驃騎大將軍儀同三司丁酉日南至祀圜
丘戊戌朝會百官於太極前殿甲辰殺安定王朗及東海王
暉己酉以前太尉公汝南王悅爲侍中大司馬開府葬靈太
后胡氏十有二月丙寅以驃騎大將軍領御史中尉綦儁爲
儀同三司乙亥以侍中廣平王贊爲驃騎大將軍開府儀同
三司丁亥殺大司馬汝南王悅大赦改太昌爲永興以太宗
號尋改永熙

二年春正月庚寅朔朝饗羣臣于太極前殿甲午高歡自晉

陽出討尔朱兆

北齊書紀神武遣竇泰討尔朱兆自以大軍繼之在元年冬

丁酉大破之

於赤嶺兆遁走自殺山東平罷諸行臺己亥

己亥爲月之十日亥本或

作卯誤是月有辛卯癸卯乙卯無己卯也

車駕幸崧高石窟靈巖寺庚子又幸散

施各有差庚戌儀同三司李琰之薨丁巳追尊皇考爲武穆

帝皇太妃馮氏爲武穆后皇妣李氏爲皇太妃以驃騎將軍

前滄州刺史高聿爲驃騎大將軍儀同三司梁勞州刺史曹

鳳東荊州刺史雷能勝等舉城內屬二月庚申以使持節鎮

東將軍行汾州事張瓊爲驃騎大將軍儀同三司辛酉以司

空公高乾邕爲使持節驃騎大將軍開府儀同三司咸陽王

坦爲司空公三月己丑朔加驃騎大將軍滄州刺史賈顯智

開府儀同三司辛卯詔以阿至羅相率降款復以高歡爲大
行臺隨機裁處甲午以車騎將軍蔚州刺史竇泰爲使持節
車騎大將軍開府儀同三司相州刺史高乾邕坐事賜死大
都督高敖曹奔晉陽太師魯郡王肅薨戊申以使持節都督
河渭部三州諸軍驃騎大將軍事世襲河州刺史梁景獻爲
儀同三司丁巳以太保趙郡王諶爲太尉公加羽葆鼓吹太
尉南陽王寶炬爲太保開府尚書令尒朱兆之入洛也焚太
常樂庫鐘磬俱盡節閔帝詔長孫稚祖瑩等更造之至是始
成命曰大成樂夏四月戊辰詔諸參佐自三府以下爰及外
州皆不得復加常侍及兼兩員雖已授者亦悉追之是月青
州人耿翔襲據膠州殺刺史裴粲降梁五月庚寅詔諸幽枉

未申時經一周以上悉集華林將親覽察脫事已經年有司
不列者聽其人各自陳訴若事連州郡由緣淹歲者亦仰尚
書總集以聞壬寅以使持節驃騎大將軍儀同三司齊州刺
史侯淵復爲開府儀同三司乙巳詔曰大夫之職位秩貴顯
員外之官亦爲匪賤而下及胥吏帶領非一高卑渾雜有損
彝章自今以後京官樂爲稱事小職者直加散號將軍願罷
卑官者聽爲大夫及員外之職不宜仍前散實參領其中旨
特加者不在此例東徐州城民王早簡實等殺刺史崔庠據
州降梁梁書武帝紀作六月己卯魏建義城主蘭寶以下邳城降六月壬申以驃騎大將
軍開府儀同三司尚書右僕射樊子鵠爲青膠大使督濟州
刺史大都督蔡儁討耿翔丁丑以驃騎大將軍前行南兗州

事念賢爲儀同三司秋七月辛卯以使持節鎮北將軍大都督秦州刺史万俟普撥爲驃騎大將軍儀同三司王辰以太師司州牧廣陵王欣爲大司馬侍中以太尉公趙郡王諶爲

太師竝開府庚戌以前司徒公燕郡王賀拔允爲太尉公

通鑑

考異曰魏帝紀作賀拔渥按允字阿鞠渥字蓋渥字誤爲渥耳

微昆按今監本毛本無作賀拔渥者則司馬時魏書本與今

異八月乙丑高澄來朝帝燕於華林都亭班賚部下各有差

以驃騎大將軍前南岐州刺史司馬子如爲儀同三司戊辰車駕餞澄於河梁仍濟河而返癸酉高歡上表固讓王爵不許請分邑十萬戶節降爲品回授勳義從之九月王子以散騎常侍車騎大將軍左光祿大夫崔孝芬爲儀同三司冬十月癸未以衛將軍瓜州刺史泰臨縣開國伯高昌王麴子堅

北史魏
誤作趙

爲儀同三司進爵郡王

北史作
郡公

十有一月癸巳持節

征北將軍殷州刺史邸珍爲徐州大都督東道行臺僕射率
將討東徐州十有二月丁巳狩於嵩陽士卒苦寒己巳遂幸
溫湯丁丑還宮荊州刺史賀拔勝攻梁雍州拔下進戍及馮
翊安定沔陽鄴城等城

三年春正月壬辰高歡擊費也頭於河西苦洩河大破之獲
其帥紇豆陵伊利遷其部落於內地帝責讓之二月東梁州

爲夷民侵逼詔使持節車騎大將軍行東雍州事泉企

北史
企作

企爲東梁州行臺都督以討之己未梁假節豫州刺史南昌

王毛香舉城內附授以持節安南將軍信州刺史義昌王王
戌大赦丙子帝親釋奠禮先師辛巳幸洪池陂遂遊田壬午

以衛將軍前徐州刺史元祐爲衛大將軍儀同三司以驃騎將軍左衛將軍元斌之爲潁昌王三月壬寅以前侍中車騎大將軍李彧爲驃騎大將軍儀同三司夏四月辛未高平王寧坐事降爵爲公五月丙戌置勳府庶子廂別六百人騎官廂別二百人依第出身騎官秩比直齋又增闔內部曲數千人辛卯詔曰大魏得一居宸乘六馭寓考風雲之所會宅日月之所中自北而南東征西怨後來其蘇無思不偃而句吳負險久遺度外世祖太武皇帝握金鏡以照耀擊玉鼓以鏗鏘神武之所牢籠威風之所輔轡莫不雲徹霧卷瓦解冰消長江以北盡爲魏土頃天步中圯國綱時屯凶豎因機互窺上國疆場侵噬州郡淪胥乃眷東顧無忘寢食自非五牛警

施七萃按部何以復文武之舊業拯塗炭於遺黎朕將親總
六軍徑臨彭汴一勞永逸庶保無疆內外百寮便可嚴備出
頓之期更聽後勅時帝內圖高歡以斛斯椿爲領軍使與王
思政等統之以爲心膂軍謀朝政咸決于椿分置督將及河
南關西諸刺史揚聲伐梁實謀北討丙申以使持節侍中大
司馬開府司州牧廣陵王欣爲左軍大都督太傅錄尚書事
長孫稚爲中軍四面大都督丁酉帝幸華林都亭集京畿都
督及軍士三千餘人慰勉之庚子幸華林都亭納訟壬寅以
長孫稚爲後軍大都督六月丁卯大都督源子恭鎮胡陽汝
陽王暹守石濟儀同三司賈顯智率豫州刺史斛斯壽東趨
濟州丙子詔曰頃年以來天步斯阻干戈不戢荆棘斯生或

徇節感恩奮不顧命或臨戎對敵赴難如歸身首橫分骸骨
不斂勲誠靡錄榮贈莫加寤寐矜之良有嗟悼可普告內外
所在言列若無親近聽故友陳之尚書檢實隨狀科贈庶粗
慰冤魂少申惻隱庚辰以使持節車駕大將軍中軍大都督
斛律沙門爲開府儀同三司秋七月辛巳朔以鎮東將軍前
大鴻臚卿太原王杲特爲車騎大將軍儀同三司己丑帝親
總六軍十餘萬次河橋高歡引軍東度丙午帝率南陽王寶
炬清河王亶廣陽王湛斛斯椿以五千騎宿於灋西南陽王
別舍沙門都維那惠臻負璽持千牛刀以從有牛百頭盡殺
以食軍士衆知帝將出其夜亡者過半清河廣陽二王亦逃
歸略陽公宇文泰遣都督駱超李賢和各領數百騎赴駱超

先至甲戌賢和會帝於嶠中己酉高歡入洛遣婁昭及河南尹元子思領左右侍官追帝請迴駕高昂率勁騎及帝於陝西帝鞭馬長驚糗漿乏絕三二日間從官唯飲澗水至湖城飢渴甚有王思村人以麥飯壺漿獻帝帝甘之復一村十年是歲二月熒惑入南斗衆星北流梁武跣而下殿以禳星變及聞帝之西慚曰虜亦應天乎帝至稠桑潼關大都督毛洪賓迎獻食八月宇文泰遣大都督趙貴梁禦甲騎二千來赴乃奉迎帝過河謂禦曰此水東流而朕西上若得重謁洛陽廟是卿等功也帝及左右皆流涕宇文泰迎帝於東陽帝勞之將士皆呼萬歲遂入長安以雍州公廨爲宮大赦甲寅高歡推司徒清河王亶爲大司馬承制總萬機居尚書省歡追

車駕至潼關九月己酉歡東還洛陽帝親督衆攻潼關斬其

行臺薛瑜

通鑑考異曰北史作薛瑾典畧作薛長瑜北齊紀作薛瑜啟昆案太平御覽引後魏書作華長瑜今

北史魏紀正同不作薛瑾而北史齊紀又作薛瑜與北齊書同意薛名瑾字長瑜或卽名瑜一稱其名一稱其字傳寫者又譌薛爲華也通鑑作薛瑜今從之又尅華州冬十月高歡推清河王亶子善

見爲主徙都鄴是爲東魏十一月遣儀同李虎與李弼趙貴等討曹泥於靈州明年泥降獨孤信克荊州帝之在洛也從妹不嫁者三一曰平原公主明月南陽王同產也二曰安德公主清河王懌女也三曰蒺藜亦封公主帝內宴令諸婦人詠詩或詠鮑照樂府曰朱門九重門九閨願逐明月入君懷帝旣以明月入關蒺藜自縊宇文泰使元氏諸王取明月殺之帝不悅或時彎弓或時推案君臣由此不安平閏十二月

癸巳潘彌奏言今日當甚有急兵其夜帝在逍遙園宴阿至

羅顧侍臣曰此處彷彿華林園使人聊增悽怨命取所乘波

斯驪馬使南陽王躍之將攀鞍蹶而死帝惡之日晏還宮至

後門馬驚不前鞭折

北史作打今從太平御覽所引三國典略改

入謂潘彌曰今

日幸無他不彌曰過夜半則大吉須臾帝飲酒遇酖而崩年

二十五諡曰孝武殯於草堂佛寺十餘年乃葬雲陵初帝夢

人有從諱謂已曰汝當大貴得二十五年及將卽位使吳遵

筮之遇明夷之賁曰初登于天後入于地帝曰何謂也遵曰

初登于天當作天子也後入于地不得久也

此據太平御覽所引三國典畧

北史有吳遵世傳文與此小異

至是皆驗又宣武孝明間謠

北史孝下有武字疑衍若作孝

武則明字當作民

曰狐非狐貉非貉焦梨狗子齧斷索識者以爲索

謂本索髮焦黎狗子指宇文泰俗謂之黑獺也

文皇帝諱寶炬孝文皇帝之孫京兆王愉之子也母曰楊氏
帝正始初坐父愉罪兄弟皆幽宗正寺宣武崩乃得雪正光
中拜直閤將軍時胡太后多嬖寵帝與明帝謀誅之事泄免
官武泰中封邵縣侯永安三年進封南陽王孝武卽位拜太
尉加侍中永熙二年進位太保開府尚書令三年孝武謀誅
高歡以帝爲中軍四面大都督及從入關拜太宰錄尚書事
孝武崩丞相略陽公宇文泰率羣公卿士奉表勸進三讓乃
許焉

大統元年春正月戊申朔皇帝卽位於城西大赦改元追尊
皇考爲文景皇帝皇妣楊氏爲皇后己酉進丞相略陽公宇

文泰都督中外諸軍錄尚書事大行臺改封安定郡公以尚書令斛斯椿爲太保廣平王贊爲司徒乙卯立妃乙弗氏爲皇后立皇子欽爲皇太子甲子以廣陵王欣爲太傅以儀同三司万俟壽樂干爲司空東魏將侯景攻陷荊州司馬子如寇潼關安定公宇文泰軍霸上子如乃回軍自蒲津寇華州刺史王羆擊走之二月前南青州刺史大野拔殺兗州刺史樊子鵠以州降東魏三月宇文泰上新制二十四條帝詔行之夏四月降罪人加安定公宇文泰位柱國秋七月以開府儀同三司越勒肱爲司空東益州刺史傅敬和以州降梁下詔數高歡二十罪九月有司請煎御香澤須錢萬貫帝以軍旅在外停之冬十月太師上黨王長孫承業薨十一月梁州

刺史元羅以州降梁

通鑑考異曰元羅降梁事典略在七月今從梁帝紀啟昆案北史文帝紀書元

羅事于七月內與典畧同而南史梁紀則仍梁書彼此互異今從梁紀

十二月以太尉念賢爲

太傅以河州刺史梁景獻爲太尉

二年春正月辛亥祀南郊改以神元皇帝配東魏攻陷夏州

靈州刺史曹泥復叛降東魏二月儀同三司段敬討叛羌梁

仝定平之三月以涼州刺史李叔仁爲司徒以司徒万俟壽

樂干爲太宰夏五月司空越勒肱薨秦州刺史建中王万俟

普撥及其子太宰壽樂干率所部奔東魏

普撥降東魏事北齊書帝紀在三月

甲午北史齊紀在六月甲午通鑑考異引典略亦在六月惟周書帝紀作五月與北史魏紀同秋九月以扶

風王孚爲司空以太保斛斯椿爲太傅冬十一月追改始祖

神元皇帝爲太祖道武皇帝爲烈祖是歲關中大饑人相食

死者十七八

三年春二月槐里獲神璽大赦夏四月太傅斛斯椿薨五月以廣陵王欣爲太宰賀拔勝爲太師六月以司空扶風王孚爲太保以太尉梁景獻爲太傅以司徒廣平王贊爲太尉以開府儀同三司王盟爲司空秋八月丁丑命安定公宇文泰率李弼等十二將東伐冬十月宇文泰大破東魏軍於沙苑北齊書帝紀作十一月誤拜泰柱國大將軍十二月司徒李叔仁自梁州通使於東魏建昌太守賀蘭植攻斬之

四年春正月辛酉朔拜天於清暉室二月東魏攻陷南汾潁

豫廣四州

通鑑考異引典略侯景克廣州在十一月

廢皇后乙弗氏三月立蠕蠕

女郁久閭氏爲皇后大赦以司空王盟爲司徒秋七月東魏

將侯景等圍洛陽帝與安定公宇文泰東伐九月車駕至自東伐

太平御覽引後魏書作車駕至陽武

以撫軍將軍梁仝定爲南洮州刺史

安西蕃

五年春二月赦京城內夏五月以開府儀同三司李弼爲司空免妓樂雜役之徒皆從編戶秋七月詔自今恆以朔望親閱京師見禁囚徒以司空扶風王孚爲太尉冬十月於陽武門外縣鼓置紙筆以求得失

六年春正月庚戌朔朝羣臣自西遷至此禮樂始備太尉扶風王孚薨二月降罪人五月行臺宮延和陝州刺史宮延慶叛降東魏冬十一月太師念賢薨

七年春二月幽州刺史

北史帝紀通鑑俱作幽州案西魏無幽州今改正

順陽王仲

景以罪賜死三月夏州刺史劉平

案周書文帝紀作劉平謀伏于謹傳仍作劉平

反大都督于謹討禽之秋九月詔班政事之法六條冬十一月叛羌梁合定徒黨屯於赤水城秦州刺史獨孤信擊平之尚書奏班十二條制十二月御憑雲觀引見諸王敘家人之禮手詔爲宗誠十條以賜之

八年春三月初置六軍夏四月鄯見王兄鄯朱那率衆內附秋八月以太尉王盟爲太保冬十月詔皇太子鎮河東十二月幸華州大饗將士起萬壽殿於沙苑北

九年春正月降罪人禁中外及從母兄弟姊妹爲婚閏月車駕至自華州二月東魏北豫州刺史高仲密據武牢內附以仲密爲侍中司徒封勃海郡公安定公宇文泰與高歡戰於

卬山不利泰表請自貶帝優詔答之秋七月大赦以太保王盟爲太傅以太尉廣平王贊爲司空冬十二月以司空李弼爲太尉

十年春正月甲子詔公卿以下每月上封事三條極言得失刺史二千石銅墨已上有讜言嘉謀勿有所諱夏五月太師賀拔勝薨秋七月更權衡度量又以宇文泰前後所上二十四條及十二條新制定爲中興永式命尚書蘇綽更損益之總爲五卷頒於天下

十一年夏五月太傅王盟薨詔諸鞫大辟獄皆命三公覆審然後加刑冬始築園丘於城南封皇子儉命申徽執瓜州刺史鄧彥

十二年春二月涼州刺史宇文仲和反瓜州民張保害刺史成慶以州應東魏遣其將侯景侵襄州開府若干惠率輕騎擊之至穰景遁去夏五月詔女年不滿十三以上勿得以嫁夏五月秦州刺史獨孤信討仲和平之瓜州都督令狐延誅張保瓜州平秋九月東魏高歡攻玉壁晉州刺史韋孝寬力戰禦之冬十二月歡燒營而退

十三年春正月開白渠以溉田東魏勃海王高歡薨

案歡之薨在正

月八日丙午北史文二月詔自今應宮刑者直沒官勿刑亡

帝紀書歡薨在二月奴婢應黥者止科亡罪以開府儀同三司若干惠爲司空東魏司徒侯景據潁川率河南六州內附授景太傅河南大行臺上谷郡公三月大赦夏五月以太傅侯景爲大將軍開府

儀同三司獨孤信爲大司馬晉王謹薨秋七月司空若干惠薨大將軍侯景據豫州叛封王子寧爲趙王冬西狩于岐陽十四年春正月赦潁豫廣北洛東荆襄等七州以開府儀同三司趙貴爲司空封安定公宇文泰長子毓爲寧都郡公皇孫生大赦夏五月詔依周禮建六官以安定公宇文泰爲太師廣陵王欣爲太傅太尉李弼爲大宗伯前太尉趙貴爲大司寇以司空于謹爲大司空

十五年

案北史年下有己巳二字是年忽以甲子紀之殊失義例傳寫者誤也

夏五月侯景殺

梁武帝初詔諸代人太和中改姓者竝令復舊六月東魏勃海王高澄攻陷潁川秋八月高澄爲盜殺冬十二月封雍州刺史岳陽王蕭譽爲梁王

十六年春三月封安定公宇文泰第二子震爲武邑公夏四月封皇子儒爲燕王公爲吳王梁荊州刺史湘東王繹遣其子方平來朝五月善見遜位于齊秋七月安定公宇文泰東伐至恆農齊師不出乃還于是河南自洛陽河北自平陽以東遂入於齊九月大赦詔功臣死王事而絕嗣者其封爵聽以支子繼襲非死王事者不許承封

十七年春三月庚戌帝崩于乾安殿年四十五夏四月庚辰葬于永陵上諡曰文皇帝帝性強果爲太尉時侍中高隆之恃勃海王高歡之黨驕狎公卿因公會帝勸酒不飲怒而毆之曰鎮兵何敢尔也孝武以歡故免帝太尉歸第命羽林守衛月餘復位及歡將改葬其父朝廷追贈太師百寮會弔者

盡拜帝獨不屈曰安有生三公而拜贈太師耶及躋大位權歸周室嘗登逍遙觀望嗟峨山因謂左右曰望此令人有脫屣之意若使朕年五十便委政儲宮尋山餌藥不能一日萬機也旣而大運未終竟保天祿云

廢帝諱欽文皇帝之長子也母曰乙弗皇后大統元年正月乙卯立爲皇太子十七年三月卽皇帝位依周禮廢年號是月梁邵陵王蕭綸侵安陸大將軍楊忠討禽之

元年春大將軍王雄平上津魏興以其地置東梁州夏四月大將軍達奚武圍南鄭梁州刺史宜豐侯蕭循以州降執循還長安秋八月東梁州民叛復遣王雄討之冬十一月梁湘東王蕭繹討侯景禽之遣其舍人魏彥來告仍嗣位于江陵

二年春二月東涼州平遷其豪帥于雍州秋八月大將軍尉遲迴尅成都劍南平冬十一月安定公宇文泰殺尚書元烈三年春正月作九命之典以敘內外官爵安定公宇文泰廢帝而立齊王廓帝自元烈之誅有怨言淮安王育廣平王贊等竝垂泣諫帝不聽故及於辱出居雍州廨舍四月庚戌帝遇酖崩

北史廢帝紀不書帝崩今據通鑑補案是月丁巳朔無庚戌傳寫誤也姑仍之俟考

恭皇帝諱廓文皇帝之第四子也大統十四年封爲齊王廢帝三年正月卽皇帝位改元

元年夏四月大饗羣臣乙亥封安定公宇文泰子邕爲輔城公憲爲安城公蠕蠕乙旃達官寇廣武五月柱國李弼追擊之斬首數千級收輜重而還直州人樂熾洋州人黃國等作

亂車騎大將軍李遷哲討平之南徇地至巴州刺史牟安民

出降

通鑑考異引典略作
斬牟安民今從周書

冬十一月滅梁戕梁元帝立蕭簪

爲梁主居江陵爲附庸梁太尉王僧辯奉元帝子方智爲王
承制居建業復三十六國九十九姓後

二年秋七月梁太尉王僧辯納貞陽侯蕭淵明於齊奉爲主
梁王方智爲太子九月梁司空陳霸先殺僧辯廢淵明復奉
方智爲帝是歲梁廣州刺史王琳寇邊大將軍豆虜寧帥師
討之宗室諸王降爵爲公

三年春正月丁丑朔六官制成詔以安定公宇文泰爲太師
冢宰以柱國李弼爲大司徒趙貴爲太保大宗伯以尚書令
獨孤信爲大司馬以于謹爲大司寇以侯莫陳崇爲大司空

秋七月王琳遣使內附以琳爲大將軍長沙郡公封宇文泰子直爲秦郡公招爲正平公冬十月乙亥安定公宇文泰薨十二月丁亥詔以岐陽之地封宇文覺爲周公庚子帝遜位於周出居大司馬府踰年正月封帝爲宋公二月殂

論曰逆臣稱戈乘輿播越雖少紆立至之憂而禍亦旋踵夫宇文據河山之固擁兵甲之強孝武以窮蹙來歸皇綱之不復振行路所知矣然以殺明月之故而君臣生心孝武實有過焉文帝沈毅有遠略觀于柔然入寇竟賜后死以慰將士之心其英斷有足難者廢恭庸弱國祚以亡嗟乎天之厭魏久矣卽令君良弼維持晚運欲以遏周齊之興也其可得哉

西魏書一

封爵表一

西魏書二

通議大夫浙江按察使司按察使加二級南康謝啟昆撰

魏制元日行朝禮雖尊官無封爵者不得預蓋建國開家之典必大勲殊績而後賜之關中諸臣跋難歸朝馳驅戎馬庸勞偉異茅土之錫宜矣其非宗室封王者惟長孫承業一人今譜自公以下悉具於篇至子弟以父勲賜襲及回授之年可考者竝附載之

公
侯
伯
子
男

永熙

賈顯度石艾長孫澄西華楊敷臨貞縣
縣公案顯度縣侯案澄封伯案敷襲祖

梁臺隴城縣
男案臺封在

元年

封在敬宗朝在肅宗朝大鈞爵在建義

永熙三年雍統中別封永初仕西魏至

州刺史
寧縣伯進覆廷尉少卿

樊子鵠南陽津縣侯
毛遐始昌縣

郡公案子鵠鹿念定陶縣伯案遐封在

封在敬宗朝侯案念封在肅宗朝仕西

永熙三年充孝昌初仕西魏至驃騎大

州刺史入關魏梁州刺史將軍開府儀

宇文顯和城王思政祁縣同三司

陽縣公
侯
趙貴魏平縣

郭琰新豐縣
伯

普泰朝仕西

魏至驃騎大

將軍開府儀

同三司

董紹新蔡縣

男案紹封在

肅宗朝仕西

魏至車騎將

軍

徐招高廣縣

男

公

二年

賀拔勝以眞宇文虬南安史寧武平縣寶熾行唐縣
定縣公進琅縣侯
伯
寶熾進上洛
子

邪郡公

按招封在延

昌中仕西魏

至驃騎將軍

楊騰華陰縣

男案騰襲父

貴爵在景明

初仕西魏至

開府儀同三

司

念賢以平恩縣公

縣伯

縣公進安定

郡公

李和思陽縣

公後改永豐

縣公

斛斯椿以城趙貴進侯

寇洛以安鄉長孫紹遠以韓果邯鄲縣

陽郡公改常宇文導饒陽縣子進臨邑東阿縣伯別男

山郡公

縣侯

縣伯

封文安縣子薛愷夏陽縣

長孫子彥以楊樹以肥如侯莫陳崇以庫狄昌陰盤男

槐里縣子進縣伯進侯

臨涇縣侯別縣子尋改長韋填長安縣

三年

高平郡公 鄭孝穆永寧封廣武縣伯子縣子 男

宇文泰以寧縣侯 若干惠以北田宏鶉陰縣 王子直山北

都子進畧陽李康生長安平縣男進魏子 縣男

縣公尋進郡縣侯 昌縣伯 王傑都昌縣韋祐固安縣

公 怡峯以蒲陰子後進公 男

于謹以石城 縣男進伯 王勇包信縣

縣伯進藍田 王德以深澤子

縣公 縣男進下博宇文盛漁陽

王思政以祁 縣伯 縣子

縣侯進太原 王羆以霸城耿豪平原縣

郡公 縣公別封萬子

獨孤信以爰

年縣伯

高琳鉅野縣

德縣侯進淨

達奚武須昌子

陽郡公

縣伯

寶毅奉高縣

怡峯進華陽

豆盧寧以靈子

縣公

壽縣男進河李穆永平縣

侯莫陳順以

陽縣伯

子

木門縣子進

豆盧永恩新申徽博平縣

彭城郡公

興縣伯

子

宇文貴以革

王雄臨貞縣楊荐清水縣

融縣侯進化

伯

子

政郡公

賀蘭祥撫夷張軌壽張縣

王盟魏昌縣

公

王勵梁甫縣

公

楊寬以澄城

縣伯進華山

郡公請以伯

讓其兄穆

李賢下邳縣

公

宇文顯和改

縣伯尋進公子

馮景高陽縣呂思禮汝陽

伯縣子

李遠安定縣薛寘邵陽縣

伯子

赫連達以長檀翥高唐縣

廣鄉男進魏子

昌縣伯孟信東州子

韓果進石縣

伯

蔡祐葭鄉縣

長廣縣公

伯

乙弗朗以蓮

常善以房城

勺縣子進長

縣男進武始

安縣公

縣伯

郭琰進馮翊

辛威白土縣

郡公

伯

乙速孤佛保

宇文護水池

蒲子縣公

縣伯

寇洛宇文測

宇文測廣川

趙善竝進公

縣伯

宇文深長樂

縣伯

楊紹冠軍縣

伯

達奚寔臨汾

縣伯

陸政中都縣

伯

陸通都昌縣

伯

趙善以山北

縣伯改襄城

縣伯

裴俠清河縣

伯

長孫儉以索

慮侯別封信

都縣伯

陽猛郃陽縣

伯

楊穆澄城縣

伯

雷紹昌國伯

婁寶廣寧縣

伯

大統

宇文泰進安豆盧寧進侯劉亮以廣興李樹以淝城陳忻霸城縣

元年

定郡公

尋進公

縣子進饒陽郡男進晉陽男

梁禦以白水楊纂永興縣縣伯

縣子尋進公冀儁長安縣

縣伯進信都侯後進公蔡襲平舒縣周惠達文安男

縣公

韓雄武陽縣伯

縣子

宇文護進饒侯後進公梁椿以盧奴王懋安平縣

陽縣公王勇耿豪高縣男進樂城子

寶熾別封眞琳申徽陸通縣伯趙剛陽邑縣

定縣公楊荐辛威竝趙剛進臨汝子

泉企以涇陽進侯

縣侯進上洛

郡公

李虎以晉壽

縣子進隴西

郡公

乙弗繪魏昌

縣公

宇文導趙貴

侯莫陳崇若

于惠王德達

縣伯

婁寶別封平

王悅藍田縣城縣子

伯

竇榮定宜君

崔猷平原縣縣子

伯

檀翥高堂縣

韓褒三水縣子

伯

段永以沃陽

薛澄進伯

縣伯別封昌

唐永平壽縣平縣子

伯

宇文彪靈縣

子

奚武李遠韓

果楊紹竝進

公

二年

侯莫陳崇改趙剛進武城泉元禮臨洮崔士約安昌盧柔客城縣

彭城郡公縣侯

縣伯縣子

男

長孫紹遠進常善史寧竝周惠達進伯

崔士謙千乘縣

馮翊郡公進侯

男

賀若統當亭

縣公

蔡祐庫狄昌

竝進公

三年

李弼以石門楊儉夏陽縣尉遲綱廣宗于寔萬年縣劉志華陰縣

縣伯進趙郡侯

縣伯

子

男

公

陽雄安平縣賀若敦安陵裴邃澄城縣鄭常永樂縣

于謹進常山侯

縣伯

子

男

郡公

竇毅崔士約薛端以汾陰盧柔崔士謙

趙貴進中山裴俠呂思禮縣男進伯尋冀儁竝進子

郡公

竝進侯

改文城縣伯

獨孤信改河

鄭偉武陽縣

內郡公

伯

梁禦進廣平

鄭頂魏昌縣

郡公

伯

若干惠進長

樂郡公

怡峯進樂陵

郡公

劉亮進長廣

郡公

王德進河間

郡公

王罷進扶風

郡公

達奚武進高

泉仲遵豐陽

縣伯

陽郡公

楊忠以小黃

縣伯進襄城

縣公

李遠進陽平

郡公

段永周惠達

赫連達田宏

王勇字文虬

宇文盛耿豪

高琳李穆竝

四年

進公

宇文導進章李惇安平縣蘇綽進伯

閭慶安次縣權景宜顯親

武郡公

侯

子

縣男後進伯

侯莫陳順改崔彥穆千乘

蘇綽美陽縣

河間郡公 縣侯

子

王盟進長樂

韋瑱陳忻竝

郡公

進子

叱列伏龜長

樂縣公

盧辯范陽郡

公

梁椿進東平

郡公

李穆武安郡

公

庫狄峙高邑

縣公

尉遲綱蔡祐

常善辛威李

惇陸通竝進

公

五年

侯莫陳順改韋孝寬以山

唐瑾永昌縣寇僞西安縣

安平郡公

北縣男進侯

子後進臨淄男

伯案周書本

傳作姑臧子

今從金石錄

瑾碑跋

六年

宇文深進侯盧光范陽縣

伯

柳蚪美陽縣男

七年

韓果進褒中郡公

子柳敏武城縣

八年

子蘇亮臨涇縣

九年

豆盧寧進范

陽郡公

陸通進綏德

郡公

趙剛進公

李棠廣宗縣

公

高仲密勃海

郡公

十年

王雄進武威

郡公

王雅以居庸魏元廣宗縣叱羅協冠軍

縣子進伯子

縣男

盧誕固安縣

伯

叱羅協閭慶

竝進伯

盧光改安息

縣伯

趙文深白石

縣男案北史

宇文彪進公

作十二年封

今從周書

十一年

尉遲迴以西

都侯進魏安

郡公

十二年

宇文護進中豆盧勣義安

山郡公

縣侯

李彥平陽縣令孤整驤武

子

縣男

侯植肥城郡

郭彥龍門縣

公

子

韋孝寬進建

忠郡公

蘇威襲父綽

爵美陽縣公

十三

蔡祐進懷寧馮遷以獨顯

郭賢安武縣柳慶清河縣

郡公

縣伯進侯

子

男

鄭偉進襄城

趙肅清河縣

郡公

子

梁昕安定縣

子

十四

獨孤善魏寧獨孤穆文侯獨孤順項城柳慶進子

裴寬夏陽縣

縣公

縣侯

縣伯

男

賀蘭祥進博獨孤藏義寧獨孤陁建忠

辛昂襄城縣

陵郡公

縣侯

縣伯

男

尉遲綱進昌侯莫陳凱以

平郡公

下蔡縣男進

宇文毓寧都靈武縣侯

郡公

十五

王康襲父思王刊西安縣王恭忠誠縣

年

政爵太原郡侯

伯

公

王景晉陽縣王幼顯親縣

王揆以中都侯

伯

縣侯進公

于寔史寧韋

祐竝進公

十六

宇文震武邑蘇椿以美陽

鄭孝穆金鄉

年

縣公

縣子進侯

縣男

達奚震昌邑楊擲改華陽

縣公

縣侯

楊忠進陳留尉遲運安喜

郡公

縣侯

于翼以安平

縣公進郡公

席固新豐縣

公後進靜安

郡公

十七年

侯莫陳穎廣李遷哲沌陽

平縣侯 縣伯

杜整武鄉縣于義平昌縣

侯 伯

廢帝

李榑改封山

縣公

元年

獨孤伏阼以

魏寧縣公進

長安郡公

赫連達進藍

扶猛宕渠縣

男

田縣公

庫狄昌進方

城郡公

韓裒進公

任果南安縣

公

王懋進安寧裴果冠軍縣趙昶章武縣司馬裔龍門蔡澤安彌縣

二年

郡公

侯

伯

縣子

男

史寧進安政

郡公

賀若敦進廣

鄉縣公

寶毅進安武

縣公

申徽進公

楊乾運安康

郡公

任果進安樂

郡公

宇文憲涪城

縣公

恭帝

宇文會江陵豆盧永恩進郭賢進伯

蔣昇高城縣

元年

縣公

龍支縣侯案侯植別封一子

宇文邕輔城

周書本傳作子汧源縣伯

郡公

龍來侯今據

宇文憲進安

庾信豆盧永

城郡公

恩碑隋地理

于謹別封新志改正

野郡公

李賢進河西

郡公

李基以清河

郡公進燉煌

郡公

長孫儉進昌

寧郡公

王勇進新陽

郡公

竇熾以武安

縣公進廣成

郡公

竇毅改永安

縣公

韋孝寬別封

穰縣公

唐瑾進公

蕭撝歸善縣

公

蕭圓肅安化

縣公

二年

豆盧寧改武

陽郡公

常善進永陽

郡公

梁明豐陽縣

郭彥薛寔竝劉祥漢安縣

進伯

子

公

賀若敦進武

都郡公

扶猛進臨江

縣公

陽雄進玉城

縣公

宇文直秦郡薛端盧光竝李彥進伯

公進侯

宇文招正平

郡公

三年

趙貴改南陽

郡公

陸騰以清河

縣伯進上庸

縣公

達奚寔進平

陽縣公

李惇進安樂

郡公

庫狄峙進安

豐郡公

崔猷進固安

縣公

薛善以龍門

縣子進博平

縣公

梁睿五龍郡

公

鄭常進饒陽

縣公案周書

本傳作饒陽

侯今從庾信

鄭常碑

封爵年不可知者錄於左

伊婁靈盧奴縣公

張暉虞鄉縣公

源雄隴西郡公

李長壽清河郡公

李延孫華山郡公

李昶臨黃縣侯

尔朱敞靈壽縣侯

毛鴻賓鴻顯竝縣侯

伊婁穆安陽縣伯

杜景仲平陽縣伯

柳檜萬年縣子

令狐蚪長城縣子

韋彪陰盤縣男

趙熒平定縣男

通考載斛斯元壽從入關封桑乾公案北史斛斯椿傳稱孝武踐阼元壽以桑乾伯進公是進公在永熙初非入關時又傳稱車駕西巡元壽爲部下所殺是元壽並未入關又載裴文舉西魏時以畧地功封澄城子後進伯案北史文舉傳以功封澄城子者文舉之父邃也文舉於周孝閔初始襲父爵保定六年乃進伯與西魏無

與又載崔士謙恭帝時以功封武康郡公崔說西魏時以戰功封至安平公案北史崔辯傳士謙之進武康公在周保定二年說之進安平公其年無明文然以傳文推之亦不在西魏此皆馬氏之誤也惟崔悛孝武時以預定冊功封武城縣公一條足據但悛之入關與否不可攷故亦不列入表中